

者九霄大魔帝君之王與上帝元始同化玉清元炁皇胃之
允嗣也神霄玉清王紫霄玉清消魔王丹景中極保景王青
霄玉清洞明照王玉霄妙化王次太霄碧霄景霄琅霄玉清
王亦大魔之帝也次九天大魔三天大魔三界大魔三清大
魔五帝大魔諸天大魔梵天靈君之魔次三省天相太玄之
魔比魔非魔靈魔制魔神魔等至六天大魔隱韻皆典二章
之中以洞妙百魔之音離合而成章

赤文章

太極妙化神靈混沌赤文章

元始開運太玄肇靈虛極无象一炁流形化生三景五緯凝

道藏輯要

度人經法

三

亢集七
四

精混合自然怛除結嬰總真布景煥赫九清炎池廓奕七紀
齊并祈師盧浩丹天耀晶朱光鍊度赤靄散明三華鬱秀輝
映帝晨

太極妙化神靈混沌赤文章者攝化九陽而明天度以成九
霄九天之境是以

神霄玉清虛皇天泛上靈景華九陽清真虛梵之炁而成天
境

丹霄南極玉文天泛丹靈妙華洞陽景真元梵之炁而成天
境

碧霄太虛真極天泛廣靈太華上陽元真靈一之炁而成天

境

玉霄玉靈素華天泛玉靈素華純陽至真元一之炁而成天

境

太霄太靈真元天泛太靈洞華三陽九真太一之炁而成天

境

琅霄素靈皓元天泛素靈皓華六陽洞真至一之炁而成天

境

紫霄元靈上極天泛元靈紫華清陽妙真天一之炁而成天

境

景霄妙靈寶華天泛妙靈寶華景陽精真虛一之炁而成天

道藏輯要

度人經法

卷

九集七

境

青霄玉華无極天泛青靈玉華元陽天真純一之炁而成天

境

此九霄九天皆混洞赤文之所化梵天天境者也

混洞赤文

雙手拍王清文

无无上真

混者混沌之名洞者洞陽之炁玉字生於大梵之先至赤明劫元始運洞陽之火冶鍊而成赤文言玉字赤文齊混沌之初在天地之先凝化空洞之上鬱結太无之中太无之无亦无其无既无其无故曰无无上真也

元始祖劫化生諸天

祖始也玄元始炁於始初之劫歛然化生五億諸天始劫者
世界初生未經成敗也內象丹旨曰元始者乃先天虛无自
然祖炁在人謂之自己曩劫不壞元神

開明三景是爲天根

二儀分形三光垂耀皆稟始炁故爲天根內象丹旨經曰道
生一一生二二生三三生萬物故虛无自然本起經曰夫道
得三乃成故言三合成德自不滿三諸事不成繫辭曰易有
太極是生兩儀蓋由一炁而分清濁是爲三也九天生神章
經云三炁合生九炁三炁爲天地之尊九炁爲萬物之根三
因成九爲萬物之根是爲三生萬物三合成德在道爲三炁

道藏輯要

度人經法

三

九集七
X461

在物爲三才在天爲三光在人爲三元皆元始之祖炁作萬
物之本根故開明三景是爲天根以內而言假設法象則曰
鉛汞砂也直指其物則是本有之性與夫日用妙化陰陽之
二炁也人雖知此本有之性則明妙而莫知本有之性繼種
於坤宮兩腎之間卽先天虛无自然純精真一之炁陰陽妙
化自此發生詳見於丹旨混洞赤文元始祖劫注夫天地之
間萬物先有本而後有根若果之有核是其本也種之於土
陰陽激薄則圻萌芽而生根故能長茂華實生生不窮若无
根株而欲其本之久存者未之有也故天尊先指祖炁而爲
道之本次明三景而爲道之根大法靈寶有開明三景之道

兆於日初出時平心向太陽祝鬱儀咒曰日魂朱景照韜綠
英迴霞赤童玄炎颺象引日紫炁八十一咽月初出時向太
陰祝結璘咒日月魄愛蕭芳艷翳寥婉虛靈蘭鬱華結翹瀉
金清瑩炁容臺標引月黃色炁一百二十咽夜戌末時仰視
北斗祝北斗內諱魁魑魍魎魎吸七星金光四十九咽
服此三景真炁還精復胎三年功滿受書爲三景真人又有
內朝三景飛仙分形之道辰戌丑未四時朝中元心中司命
神字玄堅中極太一君也主養兆一身之形質下在脾中脾
爲玉堂一名玉房叩齒五通存脾中黃炁有一真人如初生
小兒黃衣冠祝曰中極玄堅太一真君甲欲得真人神仙黃
庭之道寅卯午申四時朝上元太一神君號南極老人主兆
魂魄胞神命炁胎府之父也叩齒九通存頭上直入一寸名
太極宮又名太一宮赤黃炁滿宮有一真人如童子狀絳衣
祝曰南極元老太一真君甲欲得神丹長生不死之道子酉
巳亥四時朝下元北極玄道母字玄妙下在雙合宮中腎爲
雙合宮主兆精炁生死符籍之母也叩齒四通存腎中有白
炁炁中有神龜龜上有玄女卽靈妃坐龜也青白衣如初生
小女子右有司錄君左有司命君祝曰下元元神北極玄道
母字玄妙甲欲得金醴玉泉可飲食者乞敕司命司錄削甲
死籍更注長生日久行之常念勿忘乃洞玄三皇帝君所行

實靈寶之密機亦盟天告師而行矣

上无復祖唯道爲身

稟元始妙炁之自然而化成人道之法身夫道以虛无爲宗以自然爲本以道爲身无復先祖也

五文開廓

皇人曰五文者五方五老赤書玉字內音也

普施神靈无文不光无文不明无文不立无文不成无文不度

无文不生

玉清文放訣

五篇真文開廓形狀普生天地安置神靈无真文則日月不得光星辰不得明乾坤不得立世界不得成幽魂不得度枯

道藏輯要

度人經法

卷

亢集七

骨不得生

大梵章

是爲大梵天中之天

龍躋經曰三清天者四梵天以上太極宮所治太清十二天九仙所居九老所都金闕後聖所治次上清十二天九真所居玉晨道君所治次无上大羅玉清十二天九聖所居元始天尊所治是天中之天三十六天也

鬱羅蕭臺

蕭臺是七寶之臺有九層映鬱大羅之上

玉山上京